

Na osnovu člana 153. stav (1) i stav (2) tačka a) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), Dom naroda Parlamentarne skupštine Bosne i Hercegovine na 32. sjednici, održanoj 28. septembra 2017. godine, donio je

DEKLARACIJU

- 1) Članom IV. Ustava Bosne i Hercegovine propisano je da se Parlamentarna skupština Bosne i Hercegovine sastoji od dva doma: Doma naroda i Predstavničkog doma.
- 2) Dom naroda Parlamentarne skupštine Bosne i Hercegovine, ne dovodeći u pitanje pravo Predstavničkog doma Parlamentarne skupštine Bosne i Hercegovine za donošenje deklaracija i drugih akata, ističe da Deklaracija Predstavničkog doma Parlamentarne skupštine Bosne i Hercegovine, usvojena na 51. sjednici Predstavničkog doma Parlamentarne skupštine Bosne i Hercegovine, održanoj 7. i 13.9.2017., a koja se odnosi na problematiku izgradnje mosta kopno - Pelješac i neka druga pitanja o odnosima Bosne i Hercegovine i Republike Hrvatske, kao i odnosima Bosne i Hercegovine i Evropske unije, nije razmatrana i nije zauzet stav u Domu naroda Parlamentarne skupštine Bosne i Hercegovine.
- 3) Dom naroda Parlamentarne skupštine Bosne i Hercegovine ističe da Deklaracija koju je usvojio Predstavnički dom Parlamentarne skupštine Bosne i Hercegovine bez stava Doma naroda ima značaj samo deklaracije Predstavničkog doma Parlamentarne skupštine Bosne i Hercegovine, a ne Parlamentarne skupštine Bosne i Hercegovine.
- 4) Dom naroda Parlamentarne skupštine Bosne i Hercegovine ovu deklaraciju dostavlja Predsjedništvu Bosne i Hercegovine, Vijeću ministara Bosne i Hercegovine, nadležnim organima Republike Hrvatske i Evropskoj uniji.
- 5) Ova deklaracija stupa na snagu danom donošenja, a bit će objavljena u „Službenom glasniku Bosne i Hercegovine“.

Broj: 02-50-6-16-32/17
28. septembra 2017. godine
Sarajevo

Predsjedavajući
Doma naroda
Parlamentarne skupštine BiH

Bariša Čolak